

Sarajevo, 04-07-2022

Broj: 58-04-4-29659

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-11-3-25709 od 04.07.2022. godine, Generalna direktorica donosi:

### **ODLUKU**

o poništenju postupka javne nabavke  
za nabavku digitalnog RTG angiografskog uređaja sa pratećim sistemima  
za potrebe Klinike za bolesti srca, krvnih žila i reumatizam KCUS-a

#### **I**

**Prihvata se prijedlog Komisije za nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a , po Izvještaju br. 10-11-3-25709 od 04.07.2022. godine, a nakon provedenog otvorenog postupka sa međunarodnom objavom na portalu e-nabavke dana 30.12.2021.godine pod brojem 893-1-1-912-3-712/21, sa ispravkama obavještenja i postupak se poništava u skladu sa Zakonom o javnim nabavkama član 69. tačka 2) d), jer nijedna od dostavljenih ponuda nije prihvatljiva.**

#### **II**

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

### **OBRAZLOŽENJE**

U skladu sa Odlukom Generalne direktorice KCUS-a broj: 58-04-4-43930-1 od 18.11.2021. godine, pokrenut je postupak javne nabavke za „Nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“. Procijenjena vrijednost nabavke je 2.000.000,00 KM bez PDV-a. Nabavka je planirana Planom javnih nabavki za 2021. god. pod kategorijom „investicije - robe“ redni br. 45 (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2021 godinu, broj: 38/21 br. protokola 65-04-2-50979/21).

Sredstva za nabavku su obezbjeđena u Budžetu Federacije BiH vezano za ugovor o dodjeli sredstava "Tekući transfer drugim nivoima vlasti- transfer za sanaciju zdravstvenih ustanova u Federaciji BiH" br.06-11-2900-3/21 potpisan između FMZ i KCUS-a.

Uslovi plaćanja predviđeni za postupak nabavke su plaćanje u roku 30 dana od dana isporuke i ispostavljanja fakture (na osnovu dopisa Sektora za računovodstvo, plan i analizu br. 56-11-3-53317 od 15.11.2021.godine).

Klinički centar Univerziteta u Sarajevu je na portalu e-nabavke 30.12.2021.godine objavio Obavještenje o nabavci broj: 893-1-1-912-3-712/21, kao i ispravke za obavještenje br. 893-1-1-912-8-62/22 od 07.02.2022.godine; br.893-1-1-912-8-103/22 od 18.02.2022.godine, 893-1-1-912-8-124/22 od 02.03.2022.godine i 893-1-1-912-8-156/22 od 18.03.2022.godine, zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 18 (osamnaest) potencijalnih ponuđača; Izmjenu i dopunu tenderske od 07.02.2022.godine preuzelo

*[Handwritten signature]*

je 13 (trinaest) potencijalnih ponuđača; Izmjenu i dopunu od 18.02.2022.godine preuzelo je 11 (jedanaest) potencijalnih ponuđača; Izmjenu i dopunu od 02.03.2022.godine preuzelo je 8 (osam) potencijalnih ponuđača; Izmjenu i dopunu od 03.03.2022.godine preuzelo je 8 (osam) potencijalnih ponuđača i Izmjenu i dopunu od 18.03.2022.godine preuzelo je 7 (sedam) potencijalnih ponuđača, a do krajnjeg roka određenog za prijem ponuda, dana 06.04.2022. godine do 10 h i 30 minuta, dostavljene su 3 (tri) ponude ponuđača:

| PODACI IZ PONUDE         | 1.   | 2.   | 3.   |
|--------------------------|--|--|--|
| Naziv ponuđača           | <b>SIEMENS<br/>MEDICINA d.o.o.<br/>Sarajevo</b>        | <b>BERG d.o.o. Sarajevo</b>                            | <b>MEDICOM d.o.o.<br/>Bijeljina</b>                    |
| Broj i datum ponude      | 10-11-3-15961<br>05.04.2022. godine u<br>14 h i 00 min | 10-11-3-16058<br>06.04.2022. godine u<br>08 h i 23 min | 10-11-3-16099<br>06.04.2022. godine u<br>10 h i 04 min |
| Cijena ponude bez PDV-a: | <b>1.999.998,00 KM</b>                                 | <b>1.999.998,00 KM</b>                                 | <b>1.550.000,00 KM</b>                                 |

Komisija imenovana Odlukom broj: 01-04-4-15655 od 04.04.2022.godine je izvršila detaljnu analizu i ocjenu ponuda i Zapisnikom o pregledu i ocjeni ponuda br. 10-11-3-25708 od 04.07.2022. godine konstatovala slijedeće :

**1. Ponuđač SIEMENS MEDICINA d.o.o. Sarajevo dostavio je ponudu za ARTIS Zee floor, SIEMENS**

Analizom dostavljene ponude ponuđača SIEMENS MEDICINA d.o.o. Sarajevo komisija je konstatovala da ista nije prihvatljiva, jer nije dostavljena u skladu sa tenderskom dokumentacijom.

- Tenderskom dokumentacijom tačkom 3.1. pod i) definisano je da su ponuđači dužni dostaviti: **„Potvrda o upisu medicinskog sredstva u registar medicinskih sredstava BiH izdato od Agencije za lijekove i medicinska sredstva BiH ili Izjava ponuđača da će ukoliko njegova ponuda bude odabrana kao najpovoljnija, u roku od 4 mjeseca (rok važnosti bankarske garancije za uredno izvršenje ugovora) od dana zaključivanja/obostranog potpisivanja ugovora, dostaviti „Potvrdu o upisu medicinskog sredstva u registar medicinskih sredstava BiH“** Obzirom da je predmetna nabavka u ANKES-u 2 podjeljena na 2 stavke ponuđači su bili dužni dostaviti za obje stavke **Potvrdu o upisu medicinskog sredstva u registar medicinskih sredstava BiH.**

Uvidom u ponudu ponuđača SIEMENS MEDICINA d.o.o. Sarajevo ista je dostavljena samo za stavku 1 Aneks-a 2, što nije u skladu da zahtjevima tenderske dokumentacije (Tačkom 3.1. u dijelu napomene stoji **Neprihlaganje bilo kojeg dokaza i/ili izjave diskvalifikuju ponuđača**).

- Tenderskom dokumentacijom tačkom 3.1. pod l) definisano je da su ponuđači dužni dostaviti: **„Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.)“**. Obzirom da je predmetna nabavka u ANKES-u 2 podjeljena na 2 stavke ponuđači su bili dužni dostaviti najmanje jednog serviser(a) za svaku ponuđenu stavku ANEKS-a 2.

Uvidom u ponudu ponuđača SIEMENS MEDICINA d.o.o. Sarajevo na stranicama od 40 do 47 dostavljeni su certifikati serviser(a) za stavku 1 Aneks-a 2, a za stavku 2 isti nisu dostavljeni, što nije u skladu da zahtjevima tenderske dokumentacije (Tačkom 3.1. u dijelu napomene stoji **Neprihlaganje bilo kojeg dokaza i/ili izjave diskvalifikuju ponuđača**).

**Iz gore navedenih razloga, u skladu sa članom 68. stav (4) tačka i) Zakona o javnim nabavkama, ponuda ponuđača SIEMENS MEDICINA d.o.o. Sarajevo se odbacuje i ne učestvuje u daljem toku postupka javne nabavke.**

**2. Ponuđač BERG d.o.o. Sarajevo dostavio je ponudu za ALPHENIX CORE+ INFX-8000 V/Z3 proizvođača Canon Medical Systems Europe B.V.**

- **Detaljnou analizom dostavljene ponude ponuđača BERG d.o.o. Sarajevo komisija je konstatovala da ista nije prihvatljiva.** Pregledom ponude i provjere računске ispravnosti ponude u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH”, br. 90/14 i 20/15) i tenderskom dokumentacijom tačka 6.6. „Ispravke grešaka i propusta“, komisija je dana 30.05.2022. godine uputila dopis br. 10-33-4-16160-3/22 (u prilogu Izvještaja) ponuđaču BERG d.o.o. Sarajevo sa zahtjevom za saglasnost i potvrdu korigovanja ukupne cijene ponude. Ponuđač je u ostavljenom roku dana 31.05.2022. godine (u prilogu Izvještaja) dostavio Izjavu o korigovanoj cijeni **kojom ne prihvata korigovanje ukupne cijene** ponude već mijenja jediničnu cijenu za stavku 1., a ukupnu cijenu ponude ostavlja kao u dostavljenoj ponudi, **što nije u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH”, br. 90/14 i 20/15) i tenderskom dokumentacijom ANEKS 2.** U napomeni ANEKS-a 2 je navedeno u tačkama „3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama. i 4. Jedinična cijena se ne smatra računskom greškom, odnosno ne može se ispravljati.“ Nakon Izjave o korigovanoj cijeni, ponuđač BERG d.o.o. Sarajevo istog dana dostavlja i dodatno pojašnjenje Izjave o korigovanoj cijeni (u prilogu Izvještaja) u kojem jasno naglašavaju **da mijenjaju jediničnu cijenu stavke 1 Aneks-a 2, a da ukupna cijena dostavljene ponude ostaje nepromijenjena.**

**Iz gore navedenih razloga, u skladu sa članom 68. stav (4) tačka g) Zakona o javnim nabavkama, ponuda ponuđača BERG d.o.o. Sarajevo se odbacuje i ne učestvuje u daljem toku postupka javne nabavke.**

**3. Ponuđač MEDICOM d.o.o. Bijeljina dostavio je ponudu za AZURION 7 M20 722224 PHILIPS MEDICAL SYSTEM NEDERLAND B.V.**

- Komisija je dana 12.04.2022. godine od ponuđača MEDICOM d.o.o. Bijeljina dopisom broj 10-33-4-16160-2/22 (u prilogu Izvještaja) tražila pojašnjenje po pitanju neprirodno niske cijene u odnosu na druge dvije dostavljene ponude. Ponuđač je u ostavljenom roku dostavio pojašnjenje dana 13.04.2022. godine (u prilogu Izvještaja) koje je komisija prihvatila.
- Analizom dostavljene ponude ponuđača MEDICOM d.o.o. Bijeljina komisija je konstatovala da ista nije prihvatljiva, jer nije dostavljena u skladu sa tenderskom dokumentacijom (tehnička specifikacija ANEKS 3). Ponuđač MEDICOM d.o.o. Bijeljina je dostavio izjavu proizvođača, kojom potvrđuje da ponuđeni uređaj iz tačke 14.1 zadovoljava tehničke specifikacije. Na osnovu dostavljene izjave (strana 43 ponude) Komisija nije mogla utvrditi da je ista vjerodostojna iz razloga što se ne spominje tip, model ili softverska verzija ponuđene opreme ili softvera. S obzirom da nije dostavljena ni kataloška dokumentacija Komisija nije mogla utvrditi da se ponuda odnosi na prihvatljivu traženu „Zaštitu od zračenja pacijenata i osoblja što podrazumijeva: Sistem za mjerenje, nadzor i pohranjivanje doza koje primaju pacijenti, što uključuje: - proizvod kerme i površine polja (DAP); - kumulativnu kermu u referentnoj tački; - mapu maksimalne doze na kožu ili grafičke trake koje prikazuju kermu u određenoj projekciji“

**Iz gore navedenih razloga, u skladu sa članom 68. stav (4) tačka i) Zakona o javnim nabavkama, ponuda ponuđača MEDICOM d.o.o. Bijeljina se odbacuje i ne učestvuje u daljem toku postupka javne nabavke.**

Na osnovu svega navedenog Komisija je konstatovala da ni jedna od dostavljenih ponuda ne ispunjava kvalifikacione uslove definisane Tenderskom dokumentacijom za predmetni postupak nabavke, te Izvještajem br. 10-11-3-25709 od 04.07.2022. godine Komisija predlaže da se postupak za nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a poništi u skladu sa član 69. tačka 2) d) ZJN (Sl.glasnik BiH br.39/14 ), jer nijedna od primljenih ponuda nije prihvatljiva

Uzimajući u obzir naprijed navedno, prijedlog Komisije je prihvaćen i donosi se odluka kao u dispozitivu.



**GENERALNA DIREKTORICA**  
**Prof.dr. Sebića Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

*Handwritten signature*